

歸心集

卷之五

吳曾蘭
署首



民國二年吳氏
愛智廬刊行

秋水集自敘

孟軻稱盡信書不如無書於武成僅取二三策而已
孔氏作春秋著爲尊者諱爲親者諱爲賢者諱之例
蓋中國之無信史舊矣不佞年十五六始學爲詩壬
辰以來略有存稿慈親見背漂泊流離飲泣墜心生
人道盡履霜之禍極於辛亥於時偉人大儒支離跋
扈造作黑白淆亂是非所好生毛羽所惡成瘡痍植
黨嗜朋跳梁社會卒至山嶽黯然江湖潛沸棟折榱
崩殆幾弗免誰之咎歟不佞辟地空山讀書論世於
教化之文野風俗之隆污法律之因革政治之損益
人羣之蕃變猶有所見而於當時偉人大儒之言行

文告報章之論議詳爲審校又皆知其去事實之真
際人民之心理絕遠而不可信感慨憤懣悉寄之於
詩辛亥十月歸成都杜門自養王子營居少城薄游

嘉定荒亂之餘無意文學今者偉人多爲危人

丁義華語

大儒亦成叛黨道德文章掃地頓盡東方朔曰時移
勢易顏延年曰感今懷昔乃知學貴自得無取於譁
世名由己立不關於輿論偉人大儒虛僑之名須臾
消滅又何足道耶班固曰春秋之後周道寢壞聘問
歌詠不行於列國學詩之士逸在布衣而賢人失志
之賦作不佞非賢顧離讒憂國差同古人司馬遷曰
詩三百篇大抵賢聖發憤之所爲作嗚呼諒矣於是

仿湘潭王氏夜雪集之例次第所作付諸剗削名曰
秋水集則竊取莊子秋水篇之義也

中華民國二年九月愛智廬主人吳虞又陵敘

秋水集

成都吳虞又陵

讀李義山杜牧之集感賦

錦瑟年華散若塵無聊恩怨負終身
虛傳書記翩翩好却使樊南作恨人

罪言著就付誰傳一覺揚州便十年
怨李黨牛非反覆令人猶憶杜樊川

題甯夢蘭

祥元畫

寒影垂垂情脈脈玉鱗寂寂飛無跡
獺髓吳宮補不勻香痕吹作臙脂雪

梅

芳莖窈窕秋霞簇響散金風亂浮綠
惆悵江南暮雨

時瀟瀟更聽吳娘曲

芭蕉

憶舊

桃葉歌成苦費思
傷心人對暮春時
仲卿未老蘭芝
少第一休吟絕命詞

煙鎖紅牆暮色秋
冰絲停撥淚空流
儂心恰似蛾眉
月碧海青天萬古愁

紅窗獨伴玉蟾蜍
爲懺餘生讀道書
漫說遠山橫黛
好茂陵顛頓病相如

青銅衫子繡鴛鴦
雲擁鸞靴玉筍長
誰信蓬山萬重
路有人親見杜蘭香

低垂銀蒜雨如塵
錦褥香囊最愴神
欲問何人能續

命小憐玉體夜橫陳

賦就閒情悔已遲長干同里慣相思桃花若使如人面百拜桃花也不辭

附錄

惆悵曲

壬辰
年作

盧家莫愁年十四鬱金堂驚知人意不用青禽寄
好音口銜花片傳情至含睇山阿思若何無端忽
識佳人字佳人窈窕艷華年傾國傾城正可憐多
才詎減左嬪賦早慧能知蔡女絃因待牽牛成獸
宿若逢蕭史定俱僊銀漢相看隔清淺裊裊暗惜
芳華晚靈閨邃昉易黃昏爲遣相思調急筦娥女

姍姍殊未來紅衡碧杜瑤臺遠鳩鳥爲媒訴苦心
求皇幽意託青琴非異南國逢紫玉宥同東陌怨
黃金夢短空留琥珀枕魂重長依翡翠衾鶯飛草
長花無數新知宛變忘朝暮絲鳥窗前日易斜青
牛帳內春閒度冑使姮娥暗笑人夜徠虛照橫敷
處橫敷就抱恃春容絕勝朝雲館裏逢畫得修眉
比楊柳投將文履出芙蓉故知離別應難見豔粉
纏哀玉筍紅卽今螭首人何在荒蔓閒房想姱態
定情許作繁欽詩解贈虛衷鄭交佩春草盈庭夢
自希秋花滿地愁無奈微聞相憶起長歎珊瑚牀
獸怯宵寒君邊恨殺填橋雀妾處羞看掩鏡鸞今

古圓缺悲何限方諸遙共淚
芄瀾消渴文園空作賦門前
誰種梧桐樹秋菊春蘭恨正
長人間好事天公妒黃金雖
免白頭吟青春苦爲紅顏誤
恩絕媒勞劇可傷皇妻娥媵
事茫茫幽篁留怨春波遠
欲寄瑤華倍斷腸離憂徒解
思公子惆悵三年宋

玉曆

寄婦曾香祖

蘭

同影常憐鏡照塵花開芍
藥忽傷神珊珊鳴佩誰驚
夜賸有嫦娥暗笑人

嬾拂游塵任滿牀殷勤猶
記繫香囊張華情本深兒
女獸對紅蘭苦斷腸

沈郎消瘦苦思家愁向天涯翫物華料得傷春曾見
憶樓前開遍玉蘭花

疏粟評茶擅勝情紅窗吟出是雙聲花開陌上飛蝴蝶
獸愧秦嘉未自迎

論詩絕句三十首

附敘

自風雅寢聲騷人繼起泉於兩京詩道遂盛繇魏迄
隨厥製彌夥雖各有廢興而體皆備矣蒙於闕逢敦
牂之歲游新繁過吳子見所作論詩絕句凡八代二
十九家爲三十首譬錙勰之文心儷鍾嶸之詩品亦
何以加也邇來鄭衛音蕃淄澠味亂蒙竊惑焉用取
吳子之作付諸手民庶虜流別旣詳菁華斯揭若夫

伊摯不能言鼎輪扁不能語斤則在學者之自會其
微爾井研王磨聖游敘

閒居賦就發幽情風雅微茫少正聲我論諸家還一
歎古來佳作半無名

白草黃沙滿地霜上林飛雁斷人腸蘇卿老去方歸
國恨止教同賦柏梁

蘇武

悽怨源真出楚辭殊才百世更相師歎憐辛苦平生
裏傳得河梁五字詩

李陵

辭清文綺意何長無限深愁寄短章自古蛾眉例顛
顛莫將團扇怨君王

班姬

環佩能歸故里游阿瞞高義信難酬胡笳拍罷空回

首歎繼湘纍萬古愁

蔡琰

鞍馬馳驅戰鬥場流傳樂府韻蒼涼臺空妓散餘漳

水烏咽年年怨魏王

曹操

七子論才竟孰優獨從濁世擅風流無岸而棖觸平生

感懷古傷今欲白頭

曹丕

漫說才終辟父兄思王妙筆繼風人傷心事事皆忠

義浪被時傳賦感甄

曹植

竊思微詞派獨開詠襄詩在實奇才涂窮慟哭尋常

事白眼愁登廣武臺

阮籍

品居季孟豈相輕一體千篇累盛名翡翠蘭苕苦華

豔更於兒女太多情

張華

華藻翻嫌掩性情縱存規矩意何平都忘家國無窮

恨笑殺多才陸士衡

陸機

古今難比太沖詩潘岳同稱詎合宜深感當時名未
立竟將傖父曼相嗤

左思

託疾甘居草澤中高風真與二疏同能詩縱有難兄
在未許文場角兩雄

張協

詞悽戾復氣清剛字裏長存淚萬行夜聽荒雞還起
舞英雄成敗兩淒涼

劉琨

感時傷事首頻搔託意游仙氣自豪忼慨何常便相

累最憐忠愛比離騷

郭璞

高臥何曾與世忘唯題甲子意堪傷論詩合拜陶徵

士冲澹沈雄總擅場

陶潛

鏤金錯采異天真難怪人傳病畢身卻羨高情越今

古遠游洒洒弔靈均

顏延之

雄視元嘉孰比肩客兒文傲獨能傳須知首尾終難

辨初日芙蓉論豈然

謝靈運

玉碎蘭凋自可憐若論才思劇翩翩風人第一非虛

譽不惜西堂竟日眠

謝惠連

留得詩篇字字新秀才當代更誰倫史臣何意偏無

傳難免休文笑後人

鮑照

卅六年華實可哀呵天難問惜高才唐風漸啟猶存

古莫怪青蓮頰首來

謝朓

壽光閤外事傷情家令徒能譜四聲尙恨五言風骨
乏當時何苦怪鍾嶸

沈約

讀書萬卷自堪傳穿鑿終應誤後賢賸有平原劉峻
計一篇論在至今憐

任昉

南朝清麗首文通筆錦翻傷妒口同自具天才偏不
用苦將摹擬效揚雄

江淹

慷慨悲歌行路難長卿消渴悵衣單南山桂樹方搖
落空取琵琶竟夜彈

吳均

暮年蕭瑟負高名一代文章變兩京杜老言原非確
論曼將詩學庾蘭成

庾信

絕妙誰知宛轉歌擘箋寫就更情多而今愁訪青溪

宅玉樹花殘喚奈何

江摠

故國楊花舊恨遙英風雄略日蕭蕭論功合用黃金

鑄靡麗先能掃六朝

楊素

競將八米號盧郎才學繇來著范陽爲誦當年諸樂

府風華明麗啟初唐

盧思道

蚤歲才名世罕齊逍遙堂賸草萋萋辭君七字詩尤

妙枉妒空梁落燕泥

薛道衡

閨情十首 集唐人詞

等閒無事莫思量鸞鏡鴛衾兩斷腸消息未通何計

是翠鬟拋擲一簪長

骨香腰細更沈檀添盡羅衣怯夜寒蟬髻鳳釵慵不

整憶來唯把舊書看

玉簫無復理霓裳雲雨巫山枉斷腸斜托香腮春筍
嬾碧桃花謝憶劉郎

萬般饒得爲憐伊何事相逢不展眉荳蔻花間趁晚
日倚郎和袖撫香肌

嫩紅輕翠間濃妝睡起楊花滿繡牀人不見時還慙
語畫簾慵卷日初長

泥人無語不抬頭手卷眞珠上玉鉤還與韶光共顛
顛一庭疎雨溼春愁

幾回偷看寄來書相見休言有淚珠桃李精神鸚鵡
舌得人憐處且生疎

杳無消息若爲情雁響遙天玉漏清纖手輕拈紅豆
弄不堪相望病將成

慵紅悶翠掩青鸞帶恨眉兒遠岫攢簾外櫻桃花半
謝留連光景惜朱顏

夢驚鴛被覺來時獸背寒屏理舊眉寂寞相思知幾
許黃昏微雨畫簾垂

讀盧騷小傳感賦

治佚猖狂第一流能招誹謗亦千秋人皆欲殺眞名
士別有空華境自由

肖像莊嚴儼若神生前誰復慰沈淪著書獨解資金
帛我亦低頭拜美人

挫折平生志益堅何妨激詭動當年英雄睥睨空千古自養終須數畝田

蒼茫政學起風濤東亞初驚熱度高手得一編民約論瓣香從此屬盧騷

過舊居作

零落桃花石馬涼春風惆悵鬱金堂虛勞神女爲雲

雨可惜襄王夢不長

壬辰年後不再見矣

畫鏡盤龍照却羞一雙螺黛蹙春愁老奴何意逢温嶠已是當時第二流

美人名士例消磨豔想穠愁不奈何應羨吳剛多幸福謫居猶得近嫦娥

朱樓寂寞小園荒
彩鳳隨鴉恨渺茫
贏得衣香禪榻
畔腰圍瘦盡沈東陽

讀書畢靜坐一二小時覺靜中味甚長頗有餘趣諸
葛公所稱澹泊甯靜斯尙其小效歟作示香祖

茗盃香爐處士家
窺簾紫燕自橫斜
綠陰滿地春風
靜開到薔薇一樹花

陶潛夫婦能偕隱
嬾向桃源洞裏行
秦篆漢書清課
畢一庭春細乳禽鳴

端秀畫馬爲林山腴

思進

題

淺草平沙落照寒
渥注龍種畫應難
時無支遁憐神
駿付與英雄袖手看

髀肉摩挲感易生丹青引就悔浮名不知牝牡驪黃
外多少騏驎地上行

黃竹歌殘恨未休驚從縞素見驂騑高堂漠漠風沙
起便欲縱橫五大洲

鳳翥龍驚畫手能金臺寂寞怕重登莫矜樂府傳天
馬消渴相如臥茂陵

書懷

搬柴運水慙無法附鳳攀龍苦未能短後衣裳遠游
履高臺負手看呼鷹

老子遨遊樂未央南樓風月自清涼平生不解公卿
貴坐笑張湯造請忙

與香祖小飲作

沈水鑪香細細薰雙情端不解迴文尊前攜手宜商
權人比黃花瘦幾分

鴛鴦無羨况神仙同氣人花合愛憐他日有情忘不
得歸來堂內賭茶天

題李姚琴萬慎子詩文卷

桂香蘭笑總芬芳薇帳春深綺夢長恰似玉人顚顚

後金翹重理舊時妝

李姚琴詩

七載京華筆有神揚雲秋室任生塵亂頭粗服堪傾

國海水天風漸逼人

萬慎子文

吳鐵樵畫秋海棠爲周癸叔

岸登題

蕭瑟江關恨未窮。春風不愛愛秋風。一腔熱血知何
用。灑作冰綃數點紅。

金粉闌珊夕照殘。風枝雨葉寫清寒。他年若化萇弘
碧。定有英雄搵淚看。

蓬萊同調久飄飄。

謂譚壯飛

海外金徽咽暮濤。

謂梁任公

碧杜

紅蘅寄幽怨。爲君重詠左徒騷。

亡友固以餘技善畫不佞未得寶持其一

縑循覽此作無任法然梁啓超

附錄

贈周癸叔

微塵世界真浮漚。我居其間逍遙游。胸中浩蕩九
萬里。眼底慘澹三千秋。高立須彌知和寡。古豔幽

襄自傾寫碧血長嘯蜀國鴟黃金誰市燕臺馬周
郎散漫劇多情廿紀怪物還並生不露文章我能
識鑿破混沌帝亦驚爲言昔走長安陌少年同學
皆竒桀叢桂淹留解念君香草芳菲尤愛國風雲
牢落且尋春自惜嬋娟絕代人歌成繡被思王子
唾盡明珠爲洛神邇來顛顛還鄉里種豆南山行

樂耳誤煞韓非是說難哀時庾信餘新體

有庚子
孤懷詩

一卷余
爲之敘

同調相逢堪拂衣猖狂原不礙精微蒙縣

莊休聊自恣蘭陵孫况謾相非砭砭見容卞和陋
支頤坐看雞蟲鬥孔子有道泣麒麟墨翟無端笑
禽獸道裂應悲繆種興

學校校長類以翰林主事
中書孝廉方正充之不問

所吹竽雖濫市人聽或剽竊宋元明諸儒語錄爲講義號稱人倫道德遂自附

於儒謂有正誼明道之功矣叔孫時務方希世夏侯青紫魏明

經螾螳龍蛇甯用合儒林未足兼游俠縱饒孟軻
談仁義詎害蘇秦傳捭闔善惡參差判兩家是非
彼我正無涯屈子離憂寄蘭若陶潛身世感桃花
競將婉媚承歡愛獨持慷慨增疑怪蛾眉一笑眾
女愁却保神明轉超邁青鐙相憶雨廉纖溷濁真
羞避俗嫌萊苦蜜甘均自適徑須從汝證華嚴

卽事

種得梅花錦不如道緣深與世情疎山妻掃盡閒脂
粉助我編摩萬卷書

和
二
煙月當場笑口開。多情還盡掌中杯。先生不作封侯
夢。莫問黃梁道士來。

小山叢桂自堪攀。大隱金門未覺難。有妾澆花妻煮
茗。一家宜作畫圖看。

皇王帝霸付蒿萊。一呖風雲劇可哀。讀罷莊周齊物
論。酣眠鼻息便如雷。

書宋元學案後

狀元已誤陳同甫。諫草重焚朱晦菴。千五百年王霸
襍。豈知宋學本華嚴。

義理事功同不競。冬青樹上賸啼烏。一編黨籍流傳
久。可抵先生太極圖。

孟軻死後難言道未覺昌黎語太狂試訪趙家乾淨
土鷺湖鹿洞盡荒涼

六家要旨難評論百氏源流有異同我自愛稱游俠
傳莫將儒說概英雄

襄人絕句十二首

聞聲何意竟憐才相對蒼茫共舉杯惆悵吟魂招不

得子雲亭畔夕陽開

南城李鶴芝世晉

絲竹荒衙感昔年藥鑪茶竈致蕭然馬融弟子無多

在却愧傳經許鄭玄

江津張星平先生泰階

縱橫經史在胸中更愛論交見古風記得鍾嶸詩品

否幽燕老將氣沈雄

涪州鄒受丞丈增祐

巍然誰是魯靈光滄海橫流實可傷不見延陵吳季

子肯言天下有文章

名山吳伯揭先生之英

附錄

寄吳伯揭先生

益都自昔多豪傑儒林文苑今寥寂蜀才誰復繼

周秦曠禊蒙山異人出先生浮湛百不如秃帽烏

巾聊著書出入百家有真宰厥協六藝成通儒有文

正班氏藝文志之謬菁華聊藉文章露手剖鴻濛入詞賦竟

成大治不祥人錘錘萬象天應怒落筆何心驚鬼

神旨左腐史堪爲隣便從兩漢論風雅不數卿雲

以後人年年顛顛蒙山道縱擅吹竽誰解好相知

四海定何人前有朱公

餘姚朱肯夫迥然

後王老

湘潭王壬秋聞

運

文翁石室講筵開當時同輩誇英材孫陽一顧

騏驥奮回眊萬馬皆駑駘龍門整齊心獨苦先生

冥契遙深許默識羣經有是非不從千載爭今古

有詩寄廖季平論今古學

幽裒隕澹復芳菲繇來古樂賞音微

一官灌口容樗散好對靈山暫息機賤子相逢正

年少糟粕書生眾人笑每聞高論啓遐心最憐絕

俗稀同調

同輩從先生學者有華陽陳伯完

先生繆許狂狷流意

氣已足傾九州眼光直出牛背上一朝談笑思千

秋自游門牆漸開拓造化雖工知可奪謾嗤混沌

飾蛾眉恰喜金丹換凡骨學到移情索解難精神

離合意無端
瑤琴別爲傳
師法東海波
濤靜裏看
祇今宇宙悲
蕭瑟五洲龍
戰玄黃血賸
有離騷怨
屈平瀟湘蘭
蕙增嗚咽
有邛海謠
感念時事
轉瞬滄桑劇
可憐名山事
業幾人傳
蓬萊無恙成
連在孤操蒼
茫託水仙

手把芙蓉向玉京
推袁說項憶高情
多愁漫作漁陽

摻處士無人薦
禰衡

宜賓陳錫
昌開熾

散盡黃金忍受憐
江湖被酒任年年
近來麗句何人

會付與西樓鮑
四絃

井研王
聖游磨

附錄

得王聖游書誤此畬之

四時遞嬗際搖落秋士離騷易棖觸幽閨寂謚暗
傷情無端瑤草萋萋綠行衰美蔽心瘡孤第藉絲
竹陶哀樂念君手擘琴琅玕淥水娟娟隔青閣君
也絜旌蘊芬芳姱貌姣飾何相羊赤虹白鳳感文
藻拂繫絕繡志皇皇黃菌欲誕固有待大圈小圈
道劇光鸞猩蚤蝨賢所听相見由禮桉敢忘起步
空庭望華漢碧雲窈窕星爛爛秋氣蕭瑟眾籟吟
嫩人獨處宜增歎靈魂累逝昧蘭堂專思難化還
申旦琦樹堪攀風正寒馨香盈袖徒腸斷言追昔
愛遠遺賡舊事悠悠私自憐共忘玄黃類相應赤
舌燒城悲黯然鉤鞞錘鑲能約束三禽菲菲終期

全恐懼虛勞，綦首尾縱有輕重。誰爲權？今君將嫁，
偶留滯異鄉，孰與偕遊戲？惆悵靄門杳，萬重晚顏。
彊惜妨顛顛，猗蘭皇花詎並傳。冑殉夸名喜，螭魅
側聞鬼亦瞰。朱門涂窮曼，洒瓊瓌淚拓落。狂歌秋
復春，雄劍陰符棲素塵。馬跡艱隨蟬翼重，同慕宵
窳桂華新。恥辨堅白鳴末俗，不泥存亡本谷神。薜
蘿在眼須招隱，莫負山阿睇笑人。

興來難覓董糟邱，潦倒空尋賣酒樓。莫歎拂衣同調

少高柔夫婦自風流

成都高虞卿宗舜

徐庾文章雅擅場，高談口吻挾風霜。莫將辨命非劉

峻

蕭穎士有非辨命論

應恨同時乏李陽

成都鄧壽遐谿

四海敖游勸眼空相逢容吐氣如虹笑將千萬家財

散名士終推庾子嵩

華陽王子
石丈芝

韜精頌酒愛王郎秋水揚波未害狂欲寫宓如無限

恨瓊箋重仿十三行

華陽王
仰思思

同矜作達避時流林澤還期把臂游今日阿誰知兩

儁青楊巷與白楊頭

華陽曾闔
君天宇

匣裏青萍是賞心素琴濁酒任浮沈菊花開後梅花

發定憶吳儂擁鼻吟

新繁呂祖
銘宗典

同香祖愛智廬納涼

絳河清淺映紅樓絃月珠星錦簟秋彊笑檀郎太多

事拗花先襯玉搔頭

不須繡佛誦華嚴遙望雙星手共攬爲愛嫩涼還小
坐秋棠紅透紫羅衫

黃梅盛開卽事偶成

露重霜濃百卉殘黃梅欣向膽瓶看金牀玉几渾無
用惟有青氈最耐寒

幸免移文到草堂攤書靜裏日初長紗窗不掩禁寒
坐恐礙梅花送冷香

茶飯閒來曝背眠博山鑪煖起雙煙人間別有清涼
境迴在恆河浩劫前

無題二十首

玉簫吹徹紫雲涼世界娑婆夜正長我覺溫柔真第

一神仙畢竟住何鄉。

天上桃華一度開。世間淪謫幾仙才。美人便是西方佛。合受維摩頂禮來。

曾從桃葉識桃根。鳳泊鸞漂恨莫論。羞說南朝金粉豔。玉兒消受祇東昏。

玳瑁簾低素月涼。華開豈蕊總芬芳。江東龍虎銷沈盡。且看徐娘半面妝。

瘦損腰圍錦帶鬆。手拈紅豆感吳儂。春風面隔青綾郭。便抵蓬山一萬重。

銀葉燒香漸作灰。譚玄高座想清裁。謝娘柳絮因風起。何似梨花帶露開。

第五平生擅俊名，玉釵羅袖見芳情。分明記得嬋娟影，惆悵丹青畫不成。

瀛洲靈鳥舊爲媒，花片偷傳麗語來。忽憶青陵雙蛺蝶，爲卿重唱祝英臺。

寶兒憨處倍玲瓏，蛾髻盤鴉一笑逢。欲認臙脂顏色好，試臨秋水看芙蓉。

搖落桐花鳳不來，銷愁聊醉玉交杯。宓妃偶露驚鴻影，費盡陳王八斗才。

黃子低遮粉態新，無多瑤想屬流塵。錦茵冷傍烏龍臥，羞刻鴛鴦翅與人。

莫唱丁娘十索歌，偎紅倚翠柰卿何。慧如鸚鵡穠桃

李犀齒還教聖水磨。

柳弱花欹鎮寂寥。銷魂螺黛不曾描。金蘭顚顚璇閨裏。應對紅梅憶鮑昭。

樓畔酴醿白似銀。華髮生長愛芳辰。蘭成身世多蕭瑟。愁向鐙前賦麗人。

便面章臺記俊遊。閒將宮體寫離憂。莫愁兩槩歸何處。聞道生兒字阿侯。

鳳窠門遠抵天涯。碧玉芳年憶破瓜。我亦三生紅淚客。敢將心疾笑張華。

雙纖一搦蹙春雲。游戲曾書白練裙。我似臨邛渴司馬。彈琴惟喜看文君。

消磨俠骨與柔腸。豪竹哀絲，淚數行。寂寞金臺知己少，不妨長揖向紅妝。

畫閣春寒夜半鐙。水精眠夢，夢難憑。雲鬟玉臂風流甚，誰識蒼茫杜少陵。

蘭堂蠟淚已成堆。手撥鴟弦，漫自哀。鈿盒金釵零落盡，空從縹緲望蓬萊。

附錄

菩薩蠻

金堂乍啓光明滅。羞眸斜睇嬌無力。相向劇關情。對人佯自驚。婷婷還裊裊。倦倚腰肢好可愛。是天然魂銷鸞鏡前。

玉梅紅綻初勝露，斷霞雙臉低無語。領取此時情，
柔魂都付卿。閒身慵未快，慣撚香羅帶。強訝夢
難成，含羞坐到明。

淡粧濃抹皆如意，橫波暗翦秋江水。淺笑太撩人，
雙蛾無限春。相逢終恨少，華思添芳草。郎莫怨
儂來，露濡金縷鞋。

花開花落長相憶，傾城一顧憑誰惜。好夢總難尋，
青春如許深。畫樓惆悵久，莫令朱顏瘦。紅淚萬
行垂，教人無奈伊。

棗花簾底春無主，欄杆滴徧黃昏雨。如燕那身材，
從頭細想來。口脂香未改，粉浣痕猶在。鄉漫說

温柔黃金徒買愁

翠屏竟作蓬山隔。綠窗嫵婉何堪別。買錦繡鴛鴦。
相思苦斷腸。嬌音如未歇。醉態描難及。莫漫卜
他生銷磨萬種情。

黃海舟中書所見

自是尋春興未窮。天涯髣髴宋家東。湘簾乍捲全身
現。蓋面花枝映肉紅。

香髮低垂粉面嬌。靄風微拂女兒腰。惹人鄉思知何
限。一樹櫻花映海潮。

讀世說劉孝標注辨正王昭君事感賦

美醜何心屬畫工。香弦彈罷淚珠紅。由來絕代春風

面不必椒房桂館中

賦買長門淚滿巾。歌成團扇暗傷神。漢皇枉說思傾國。又被黃金誤美人。

三千粉黛昔承恩。難向殘編覓姓名。一死獨能存漢俗。胡笳蔡琰媿平生。

環珮魂歸故國遙。長留青塚草蕭蕭。可憐士女常相妬。屈賈高才并寂寥。

重游槐軒

小築名園地半弓。舊曾游處綠陰中。重來便有滄桑感。不見池蓮照水紅。

神仙難學學長生。靜裏能空萬籟聲。漫取韓康甥舅

比小園愁賦庾蘭成

康雲從

培龍

畫水仙牡丹為其弟千里題

蘇臺楊柳蘸新霜費苑桃花賸夕陽今日披圖想標

格便應配食水仙王

雲從籍新繁卒於江蘇

君家士氣總堪師惆悵春風又一時料是吳宮餘獺

髓香痕千載澹胭脂

答董漢蒼

清峻

海內文章吳季子

伯竭先生

清才宋

芸子先生

李

瑤琴復風流

井研

廖季平丈

經術真橫絕餘事猶堪霸九州

少日陳

伯完

王

聖游

有俊名

曾

林

山腴吳

鄧

壽遐

各崢嶸黃河萬里崑崙水漫取山泉較濁清

辭章今日推楊

南皋董贊襄

漢蒼

勁氣瀘州有老熊

沅生

海上成連情自遠，不須徒唱大江東。

一代文章豈浪傳，羚羊香象落言詮。生天成佛分前後，妙處應難作鄭箋。

從古文人少速成，莫將實學易虛名。一時物論殊難信，徐庾千秋有定評。

看罷紅櫻故倦游，文場追逐劇堪羞。琵琶絃索鮮卑語，分付當前第一流。

同香祖小飲，定生慧室。

花底匆匆舉玉杯，佳人原自解憐才。乾坤何限繁華夢，聊對嫣紅倦眼開。

日月如龍遞後先黃金青史盡堪憐人間夫婦方行
樂寄語羲和慢着鞭

雜感十四首書寄舍弟君毅

永權

日本

不知人事有升沈源裏桃花自古今何似市朝容大
隱閉門風雨萬山深

五柳從來怕折腰曉風殘月任無聊千年處士高情
在那得工夫鬥小喬

賦成鸚鵡悔才華跂脚惟應鼓琵琶郭璞游仙何用
作江淹殘錦滿天涯

學書學劍兩無成壠畔匆匆便輟耕那有書生誤家
國董蠻新得仲舒名

沈慶之謂與白面書生謀事何
由濟今則並無書生惟白面耳

曾經弱水望蓬萊漢武燕昭恨不才靈氣雖無多大
藥新從海外學仙回

糟糠端合養賢才坐見侏儒笑口開舉世漫求千里
馬黃金能致郭隗來

傅粉施朱態若仙隱囊方褥坐談玄家居莫付織兒
手錦繡河山正可憐

得失儒生漫較量萬方多難劇堪傷商鞅亦可亡人
國轉覺清言意味長

鴻飛萬里自冥冥眾醉何容更獨醒三世不遷揚執
戟千秋人說草玄亭

飢來喫飯困來眠與世推移過百年三釁五交垂涕

道方知老學貴求全

幾人招隱負初心桂樹淮南未易尋
甯止神仙非學得雲端雞犬少遺音

劍氣凌雲怕撫摩止宜花鳥伴清歌
香奩開處朝霞滿閨閣爲臣寵已多

笑擲纏頭救眾生俠腸玉貌自多情
擷英若續秦雲

譜秦雲擷英小譜嚴道甫錢獻之先爲何郎喜鳳記

小名

尊前歌舞一番新鏡裏繁華幾度春
造請公卿成底

事不如聲色尙娛人薩雁門歌舞尊前繁華鏡裏換盡青青髮詞余最喜誦之

書陳伯嚴散原精舍詩後

宗派江西幾廢興詩流標榜信難憑謂鄭孝胥終嫌非大

家兒笑浪擬涪翁恐未能

劉先師申叔培學勝馬一浮才高今日東南數二豪滄海

橫流矜宋派元遺山詩止知詩到蘇黃盡滄海橫流却是誰幾人名士讀離

騷

附錄

贈愛智辛亥年十一月

劉師培

素絲傅魯紈裁為雙弋綈回紋匝絲周四角流蘇

垂欲理棊无耑美人解其繯七襄愆報章斐錦鮮

秋機絲絲牽牛箱歷歷長庚暉啓明弗尔焯念此

摧中懷

盤盤桓是峯阿坂艱且夷子行夫如何適與嶇嶽
期寒杼沛晨葩苑柳稊槐枝灌淵滂馥多欲采秋
萑希鷓風亦有欽鳴鳩亦有懷咏言羅昔瘥天伐
焉克睽

昊天霜露多玄陰渺无極之子罹百憂感此遷昕
夕周流倦間關標蹇疏夷懌遙遙行邁心弗識中
田稷稅跡允天仁疚首徒心怒浚郊有組絲斯理

期君析

晨風黍離干旄
均用韓魯詩

漫成示妾劉長倩

道秀

琴本無絃漫賞音。此心不競任升沈。方知洗耳真多
事。獨坐閒庭看綠陰。

靜中眞樂勝紛華。善學何須載五車。閒却平生臂鷹手。瓦盆親種海棠花。

抗塵走俗殉浮名。何似貧家萬累輕。飯罷酒醒茶正熟。鳥啼花落引詩情。

小婦溫柔大婦賢。旣成眷屬且隨緣。醉中時露英雄氣。莫被人呼作地仙。

讀友人詩戲題

樂府初翻子夜新。小家碧玉是情人。銷金帳底閒斟酌。那管風波妬婦津。

佳人重見趙陽臺。蘇蕙迴文漫自哀。莫似洛妃乘霧去。銷魂如燕那身材。

笑揮彩筆對朝雲。天女維摩信不羣。打槳迎歸桃葉渡。相憐未免獨殷勤。

楊花漂泊易沾泥。欲採靡蕪日又西。衣故人新無限恨。題詩愁擬竇玄妻。

新繁作

閒從父老話桑麻。來往還隨薄笨車。朝日初升涼露滿。野田蕎麥遍紅花。

拄杖逍遙夕照中。閒看萬頃綠搖空。男兒枉負風雲略。不及田間老禿翁。

辛苦東阡自不辭。占晴候雨順天時。人間多少興衰事。說與村姑總未知。

三年不見龍藏寺水繞禪林似舊時瘦島僧雪堂
含澈亡
來風雅絕空餘垂柳颭金絲

附錄

龍藏寺聽月泉

法溥

彈琴

嶧陽孤桐飛英蕤阿誰興慮斲孫枝裁作正琴胡
麗偉器合自然知者希製象五行法天地君臣民
事物皆備窮化協氣期反真孰推所由辨其趣師
也抱琴常遠游達類洞冥識最優曼嘲解聽不解
賞乞師一鼓消煩憂香樹神蛾繭如甕縑絲爲弦
音比鳳玉約金隱既冷調四坐無言待奇弄初攙
凝精若有思紛葩徃嘉劇猗移五音繁會佚終始

應蘋落葉各得宜卒焉愁媼不容息窈窕飄飄復
清越蒼梧山深多白雲湘靈怨長幽篴泝更與轉
指掩抑彈非別鵠兮非離鸞瀟瀟風雨乍滿耳屈
平頓顚悲紅蘭改均易節拊忽重忼慨縱橫心自
恐蓬萊無人愴移情但聞海濤聲獨湧須臾曲終
志儼然眾藝信貴徒歸妍悒悒琴德邈莫極昔賢
微意師能傳八十餘家體相似晏龍遺音動神鬼
訓琴以禁明禦邪謂樂爲同徵攷理從今洗心悟
成虧猶幸消搖知未幾它時見師問天籟與物相
忘無是非

龍藏寺張信侯

汝珏

畫松歌示月泉

閒庭春謝愁芳草祕經靜覽開幽抱試從方外訪
湯休落英積徑紅難掃素壁橫松誰所爲纖莖直
幹邊四披集鶴棲鸞壽萬歲其貌卧龍精伏龜青
州舊貢稱無匹第惜而今空寂寂自受靈命齊虞
舜豈念昌言逢墨翟手執麈尾臨華軒秋濤拂耳
聲潺湲風雨滿堂畫常晦悵然欲與山鬼言久視
幡疑畫難至眾盡玄黃倍加意詎隨羣類露文章
獨將溘氣留天地畫者傳是繁張侯絕技羞與僧
繇儔解衣盪薄足蓋世况兼篆法工籀繆當時畫
此三十日海立雲垂眞宰泣陰陽消息通五指墨
花露洒鴻蒙濕張侯雖死畫尙新且喜承家更有

人曼言取媿恥。嵇子倉靈離宿。徒憂貧韋。偃畢宏
今不作。自昔名高終命薄。好向南榮。曝背眠丹青。
引就嗟漂泊。世間衰盛劇關情。窟室來看眼。頓明
養生莫令倥傯。笑便擬同師。尋茯苓。

文字論交信有神。秋園菊艷苦留賓。如今佩劍空題

墓。愁絕山陽笛裏人。

訪呂祖
銘故居

一路蟬聲送我歸。晴天時見白雲微。百年擾擾知何
用。應羨空山鳥倦飛。

贈周克羣

羣

小住蓬萊記昔年。紅櫻萬樹暮春天。風流不數周公
瑾。曾顧倭娘誤拂絃。

三載東華踏軟塵。一官容得腐儒身。飄蓬李白勞相
顧。祇覺嶽崎可笑人。

附錄

贈周克羣效元劉靜修

蜀江東流直趨海。元精爽烈逾千將。峨眉秀色跨
天半。勢與五嶽爭低昂。山川英靈久蟠結。忽發奇
氣生周郎。周郎年裁二十餘。一旦見我披肝腸。爲
言天子聖。且武掃除秦法。追虞唐。方圖王會開明
堂。干戈豈料生蕭牆。累撫頭顱誓報國。閭閻蕩蕩
不可望。慕容囊底智多少。便欲折筮筭戎羌。側聞
其語三歎息。人間萬事初無常。我生骯髒百不當。

與世顛倒空昂藏讀書破屋慕堯老聲出金石殊
琅琅眼中不識叔孫通管仲商鞅繙覺彊神龍威
鳳露鱗羽羞同末俗誇文章姚崇白是救時相呂
尚本爲周代狂嗟君意氣與我合手弄日月參玄
黃君看往載虬髯公殘棋一劫悲滄桑丈夫動足
海內外蹇驢去作扶餘王南陽布衣舊貧賤抱膝
且任風雷忙龍臥無聊偶然起遂致鼎足分三方
君我落拓竟何有醉中揩眼望八荒淮陰市笑韓
信怯廣武臺令阮籍傷折檻驚聞從龍比攜琴更
擬尋師襄我歌君聽應淒涼唾手不用談霸王黃
帝學仙王母老齊州九點煙茫茫

辛亥雜詩九十六首

河伯猶能歎望洋。螻蛄全不解炎涼。廣從世界求知識。禮教何須限一方。

懷古西山賦采薇。黃農已沒竟誰歸。孟荀善惡猶難定。不害人人有是非。

淒涼白月照墳孤。用宋張開妻事二十年中淚眼枯。袖裏漫

攜陶穀筆。晴窗愁著黑心符。

履霜彈罷足悲哀。險阻多從夜泣來。休效客兒歌祖德。空餘瓜蔓滿黃臺。

同種相攻苦未休。用孟德斯鳩事餘生容易落扁舟。可憐意

氣銷磨盡。臥看銀濤拍岸流。

人皆欲殺孰憐才。獨立孤根祇自哀。閒誦中山劉勝語。聚蚊何意竟成雷。

張儉無家不自憐。趙歧時命總蕭然。未聞游夏稱官闕。應劭當知遜鄭玄。

三字冤沈萬古憐。有無何礙殺人權。文明立法猶如此。秦檜當時亦偶然。

大儒治國自恢恢。坐見中原幾劫灰。始信詩書能發塚。奸言多藉六經來。

禮刑道德本相防。孔孟難明况老莊。理學儒林分兩派。不知天壤有王郎。

高名一代繼長沙。徵士風流史筆誇。惆悵門前五株

柳折腰今日媿陶家。

衣鉢曾將路德傳。更從語錄乞蹄筌。料應才士如今少。做帶千金劇可憐。

徐偃浮沈革命潮。周郎顧曲可憐宵。風情都讓張雕武。春滿紅樓試舞腰。

逍遙奇服鬥繽紛。却媿班姬解好文。賸有相生花暎日。紅裝高髻態凌雲。

倭裝妖媚記當初。河上張星伴索居。終是賢才哀窈窕。銷魂萬里一封書。

小院秋深鎖綠苔。低吟赤鳳有餘哀。誰知金井胭脂水。曾照驚鴻倩影來。

採得蘼蕪萬種悲。愁開後閣詠將離。誰言一代紅顏
盡。別有楊枝踈地垂。

獅吼何堪拄杖圍。荒唐暮雨更朝雲。犢車塵尾誰家
物。絕倒王公九錫文。

拋殘璫瑁定情簪。薄命還成棄妾吟。覆水再收緣底
事。小家碧玉重黃金。

金谷花飛夢易殘。銀瓶落井露華寒。沈園哀怨詩難
寫。腸斷當年陸務觀。

漫說傾城絕世無。新人雖好故人姝。感甄賦外添惆
悵。破賊今年正爲奴。

額髮初長便破瓜。瓠犀微露見風華。天公亦是多情

種。開出人間姊妹花。

呂安凋謝感誣詞。陳壽沉淪事可思。應笑當年遊洛水。何曾知有蔡充兒。

賣友憐君有古風。學爲禽牘恨徒工。未知阿母何如妾。慚愧南朝范蔚宗。

少年貧賤每相依。却爲炎涼變是非。髣髴舊時王謝燕。殷勤專傍畫簷飛。

鸚鵡洲邊草又生。春風紅淚暗縱橫。孔融坐客知多少。辜負當時薦禰衡。謂楊念如嘉紳

循吏謂余梅卿慎原輪老吏強。三人市虎劇堪傷。皋陶未必知冤獄。善惡難爲痛范滂。

黔首鷹鷂比未苛。同羣麋鹿願蹉跎。漢家酷吏誅權貴。爲政應當遜孟軻。孟子爲政不難。不得罪於巨室。儒家干祿之精義也。若漢之酷吏。則不避豪強貴戚矣。

古今朋黨論縱橫。罪可滔天亦足驚。解得亡身由悖直。不妨伯鯨有凶名。

朝家興廢事無窮。愛國東西義不同。歐九漫修馮道傳。有人孤識慕揚雄。書楊度忠義之衰。由於孝悌二語後。

老生談論本尋常。却使羣愚費較量。新律通編無孝字。人間倫理詎全亡。新刑律計四百十一條。均無孝字。

司馬遺書謗太多。屈原揚己意云何。兩人若使生今世。論罪皆當大逆科。

茫茫禹跡久堪悲、宗法應同教義衰、止恐遺傳奴隸
種、不明齊物更狐疑、

望思臺畔月孤明、道德淪亡百偽生、莫怪莊周言在
宥、何曾至禮近人情、

三百年中見順民、桓溫劉裕竟無人、簷~~下~~雨談名
教、始覺侯官嚴復理論真、

不使民知劇可傷、恰如行路暗無光、秦皇政策愚黔

首、黔首愚時國亦亡、孔氏民可使由之不可使知之

程伊川言譬如行路須是光照未致知怎生得行至
王陽明遂揭知行合一之說今之尊孔氏者豈非郭
象所謂世俗以多同爲正期於相善亦不問道理故
雖嚴幾道不得不爲矛盾之論蓋世皆至愚乃更不
可不從從俗者恒不見罪坐也嗚呼
此莊生所~~有~~有以天下惑之感歟

平等尊卑教不齊聖人豈限海東西若從世界論公

理未必耶穌遜仲尼劉廷琛謂歐美主耶教重平等

教義之優劣於此見之蓋尊卑貴賤之

階級既嚴雖有公平之理不能行也李耳曾聞法自然迦文平等義凋殘獨憐儒早分爲

八苦闢楊朱是異端

大地耶回教力馳衰殘六藝幾人師早知儒術終難

起好詠哀時杜老詩杜詩儒術終難起

異同彼我定原難鵬鷗逍遙宇宙寬但覺夢中蝴蝶

好漆園未必用儒冠

盧孟歐西擅盛名東洲孔墨亦分行思潮新舊方衝

突付與通材細品評

8
悵望神州淚滿巾。難將名理靜胡塵。殺君數百原無損。始識王敦是可人。

江湖潛沸且垂竿。士壟王頭付等閒。莫似劉安招隱去。却教雞犬落人間。

歎息中原道術空。迂儒一孔苦相攻。無雙枉令昆邪泣。李蔡爲人在下中。

文人從古善相輕。縱使相輕解貴名。記得諸儒趨稷下來游。五十重荀卿。

移風易俗誤共工。意廣才疏惜孔融。舉世浮沉方教諂。陳咸頭漫觸屏風。

大江滾滾水空波。長夜漫漫付短歌。今古英雄浪淘

盡風流人物恨無多

二十年中幾變遷，重來老屋故依然。空餘弟子三千

在，不及溪頭弄釣船。

村居

濁醪妙理自消愁，更愛村居水竹幽。我比杜陵疎懶甚，累煩中婦促梳頭。

長林喬木飽風煙，掃地焚香意欲仙。正是晚涼思濯足，清溪一曲到門前。

挾策商鞅儘善鑽，髡鉗季布諒非難。江東項羽空才

氣，老氏書還共妾看。

唐傅奕考覈老子眾本勘數其字云項羽妾本齊武平五年彭

城人開項羽妾塚得之有五千七百二十二字

監子成名事可嗤，誰尊真理過於師。正容巖穴鄒陽

老瓦釜雷鳴又一時。

故里雲棲翠柏涼。墓前書帶草猶香。當年豪傑供奔

走。按劍吟風意味長。

拜外曾祖劉止唐先生墓豪氣不除思按劍道心常在喜吟風

先生書贈先祖偉齋公聯語也。

喜聞老屋讀書聲。試數存亡暗自驚。賸有艱難甥舅

在。夜闌燈火話平生。

同八母舅劉藜然先生夜談

相斫書成劇可驚。百家罷黜用儒生。生民立命徒虛

說。萬世何曾見太平。

讀宋元通鑑辭應圻撰書雖蕪陋頗明民族之義

春韭黃梁濁酒杯。勞生暫得笑顏開。百錢為割花猪

肉。却累葱纖細切來。

送君南浦草萋萋。大野真令七聖迷。檢得謗書盈一

籛樂羊今日媿賢妻

香祖至藜然先生處送余行

杜甫雲鬟句尙新秦嘉明鏡欲生塵天涯怕對團圓月辜負蘭閨共命人

黃鶯啼徹最高枝繡閣珠簾日影遲夢裏未知來去路更憐夢也不多時

四海相知賴有卿累因磨折見深情霸才自古原無主甘隸妝臺過此生

兒女英雄盡可哀吹簫無復惜高才蘆中漁父應相識曾向煙波刺艇來

少日論才隘九州封侯常笑爛羊頭艱難方憶王尼語滄海橫流處處愁

斗室匡牀睡起遲。眾生休息竟何時。消除湖海元龍氣。閒看蜘蛛結網絲。

彈鋏休歌客舍前。此生自斷豈關天命宮磨蝎。應窮

薄。漫比黃楊厄閏年。是年閏六月

詩酒逍遙自在身。數間茅屋隔風塵。滄浪鼓枻同漁

父。記取東山李道人。訪李嘉秀學道處

賦就孤兒淚滿襟。伯奇空有採梲吟。恩仇將相方酬

得。且坐蒲團證道心。韓愈詩往取將相酬恩仇

千秋堯跖總埃塵。轉覺空門意味真。身世莫添漂泊

恨。江山蕭瑟要詩人。

千章老樹綠參天。流水當門好放船。暮鼓晨鐘發深

省不須重送佛前錢

烏尤寺

經世春秋志已疎，
低頭長笑注蟲魚。
不妨大索驚天

下，正好空山讀素書。

烏尤寺有樾爲舍人爾雅臺，縣志以爲郭璞然無据也。

翠葛蒼籐晝掩關，
吟身還比老僧閒。
舍人去後風流

盡，山水無靈石佛頑。

危樓高倚夕陽邊，
寂寞山河意惘然。
留得烏臺詩案

在，小人多少借公傳。

陵雲山東坡讀書樓

朝雲窈窕伴髯翁，
一髮中原望眼空。
攜得琵琶長丈

六，倚欄愁唱大江東。

談笑誰知舉世驚，
無端洛蜀竟分行。
人豪自是多天

挺，何必同居道學名。

鴻爪遺痕遍四方，歸田無日草堂荒。應嫌蜀士多輕險，不獨湖山勝故鄉。

坡老馳驅向海山，天留名種荔支灣。莫驚濺血流千

載，難得佳人一破顏。

食荔支灣產荔支

一派江分幾派流，白波如雪送行舟。黃雲日暮明漁火，對此茫茫始欲愁。

一夜秋生客夢長，登山宋玉惜流光。並肩怕憶年時事，紅藕香銷錦簟涼。

陌上春花次第開，秋風落木倦登臺。紅衰綠減匆匆甚，賦別江郎未轉來。

瓜分豆剖事如何，恩怨難平恨轉多。到此併成家國

淚洒來紅遍好山河

七月初一日因鐵路合同各處停課罷市

客裏悲秋帶眼寬絳河終古起情瀾神仙夫婦天家

少也為無錢見面難

七夕

瓊枝玉樹惜年華寄婦書成祇自嗟素月紅顏無限

恨黑頭江總未還家

題家書後

芙蓉城遠奈愁何蜀國絃哀對酒歌誰識清新庾開

府江關詞賦亂離多

七月十八日聞成都亂

蜀道青天旦暮開金牛遺策古今哀更無紅鯉將書

去那有迴文織錦來

十九日望家書不至

禮樂攻吾未足悲

杜詩禮樂攻吾短

滄江歲晚獨傷時五陵

裘馬輕肥甚坐令長安似奕碁

王衍清談漫自誇

謂王人文

東門長嘯事堪嗟

能生患辭下奸人六萬家

草木皆兵滿地愁豈知乘便有鋤耰誰爲燕鵲誰鴻
鵠涇渭無端竟合流

因果會聞重報施恢恢天網詎堪疑如今傅弈身猶
在轉覺胡僧咒可嗤

憂患相從二十年存亡今日付皇天寸心早已空生

死祇合長參淨土禪

憶香祖

荒徑蓬門長綠苔錦江秋色使人哀雨隨神女朝朝

下杜詩雨隨神女下朝朝

夢逐襄王夜夜來

連日苦雨

管寧卓帽歎無家鼙鼓聲中日易斜記取明年乾淨

土春風開滿鬪髀花

煙樹雲山望裏深。登樓王粲恨難禁。新婚別與無家別。都付詩人和淚吟。

暮雨瀟瀟到夜闌。孤燈紅穗怕重看。沈郎底事成消瘦。漸覺羅衾不耐寒。

郭振淒涼寶劍篇。嵇康幽憤廣陵絃。梁鴻廡下空餘熱。楊惲山頭擬種田。

成佛生天盡可憐。解吟平等未離銓。卽今耆舊無新語。絕世風流莫浪傳。

自有高名擅五洲。卅年林墅足優游。六經日月終何

補。此是江河萬古流。

題孟德斯鳩法意

朱子曾蒙逆母譏

事見四朝聞見錄

歐公亦有盜甥疑小人

誣善誠何益賢聖終教後世知

歐陽修詩後世苟不公至今無聖賢

游少城怡園

喜見繁華似去年朱樓青閣嫩晴天紅梅幾樹垂垂發萬國春風在眼前

春城一曲鬥新聲花鳥依然似太平江左風流謝安石可能絲竹爲蒼生

綠波春水影參差涉世應增歎逝辭祇有去來無現
在倚欄惆悵立多時

千里春心宋玉愁萬方同概杜陵羞何圖金印八州
督數盡江東第一流

與夏仲和聲夜談

千載高風嚴子陵羊裘一領閱衰興故人辛苦爲天子不及江邊處士星

學兼莊老與楊朱王佐多年笑腐儒好種陶潛五株柳閒情一賦古今無

重過板橋溪誦人生天地間忽如遠行客之句感賦
電影駒光暮復朝客中作客碧山遙去年舊事渾如
夢紅樹青林認板橋

黃瓜橋

馬蹄聲裏趁歸裝亂世躬耕憶武鄉獨替古人無限恨黃瓜橋畔看殘陽

桐城姚石青

宜孔

齋中種橘與辛夷各一株二物精

潔紛緼皆爲屈原所歎美遂感而賦之

生有文章比異才曾枝剡棘出塵埃自甘橫立羞遷

徙合與騷人作友來

橘

高冠奇服負華年姹紫嬌紅已懶探種得辛夷花勝

雪春心惆悵滿江南

辛夷

陳幼孳

廷傑

楊南皋

贊襄

艾緝光

子熙

諸同人游江

樓

問柳尋花事久疎幽棲擬釣錦江魚杜陵老作諸侯

客愁對枇杷憶校書

蓋有汪容甫弔馬湘蘭之感

桐葉蕭蕭古井秋名箋猶自見風流陸沉多少神州

感莫認蘭亭是盛游

游武鄉侯祠

名士風流去不回。凋零羽扇使人哀。傷時莫更吟梁甫。如此山川少霸才。

垂老偏安亦苦辛。後來王孟盡成塵。柔桑到處如車蓋。誰是當年織席人。

謁費此度祠

老共蘇門賦采薇。羞言殺賊馬如飛。江湖滿地遺民淚。三百年中此布衣。

新繁文學自任叔本朱桃椎梅公儀及費氏後無著者

一門詞賦幾名家。明月揚州老歲華。傳得二南風雅

派。詩人從古愛桃花。

縣志載先生舊居種桃花千餘株今不可考矣

附錄

謁此度費處士祠感而弔之

功名獨爲興亡苦文章自許江山主少微星高隔
生平空復相思感今古當時羣盜正紛如唯君好
兵同望諸投筆偶試黃石術便由竈上期騷除那
知世事難如意常因慷慨成顛顛萇叔違天劇可
悲夢夢幡憐帝終醉從茲跛足走江湖潦倒長嗟
氣誼孤未能肝膽報君國聊將姓字混屠沽老去
驚看朝埜變無限蕃華付飛雁鶯花社稷易傷心
欲賦江南幾哀怨更憐高韻弗消沉大正相逢賞
倍深妙曲爭傳郢中調清音遙契海上琴虞也不

才羞碌碌小隱繁江結茅屋三春幽卉滿園新四
時流水當門綠卜居閒寫畔牢愁乾坤俯仰情悠
悠私喜同鄉得君在山川髣髴靈之游任末逝朱

桃椎

亡悵誰及念君難謝斯文責風雅寥寥三百

年廣陵散絕增悲惜空祠再拜荐馨香詎堪才命
互相妨歸來不見華表鶴大招無那恨微茫青史
曾聞逸民重采薇歌罷幽懷動陳軫終身痛越吟
侯芭何處成揚冢蜀水吳山恨莫論傳家猶幸有
兒孫桃花滿眼春蕭瑟杜宇聲聲枉斷魂

同黃繼廷

沐緒游東湖

政海波瀾苦未休高才祇合志窮愁清游易引濠梁

想山色湖光罨畫樓

枯樹婆娑似畫圖莫言朝市勝江湖高踪欲繼桃椎
後爲問仙人許我無

附錄

游東湖弔衛公李文饒

年年夢繞東湖曲今到東湖看不足桃花帶雨向
人紅楊柳含煙爲誰綠盤溪遺蹟已渺茫弔古曼
尋襄李堂堂前老樹宿鸞鳳大材難用增悽傷相
門有相非倖致衛公正負青萍利幼具壯志追范
滂能通左傳比賈誼蠻方譴逐且隨行踵武登朝
卽擅名未釋陳咸相軌意虛留梅福上書誠黨人

牛李深冤謗斥外籌邊最怙悵端拜軒皇縱苦兵
可憐枉畫蚩尤像王制不行旤詎終蘿鳩松柏故
難容成功北闕蕭曹避埃臯南溟屈賈同徒聞姬
旦歌破斧安得重華舉彭祖遠游從此隔霧修蛾
眉蕉萃文章苦富貴繁華易變遷寓情黃雀轉堪
憐窮愁在昔言冥數復爵應悲後十年茲地因公
長顏色誰解狂歌拓金戟且將華月蕩奇襄祇合
江山供豪桀共說程生程曉松亦近賢通波縈榭
劇嬈娟清吟欲儷珊瑚樹愛客頻開瑋瑁筵行樂
朝朝兼暮暮芙蓉花好難爲主瑤笕晨調學鳳皇
壻杯夜泛傾鸚鵡卽今猶認舊亭臺物是人非實

可哀欲仿淮南賦招隱唯餘菽桂襲裾來功業諒
爲名材累忠愛適成賢士臯隱谷薌蘭空自芳傷
春獨洒離憂淚金粟堆前草木荒平泉別墅更淒
涼多情爲過東湖畔花落花開總斷腸

書陳壽傳

陳壽遭父喪有疾使婢丸藥鄉黨以爲貶議坐是沉
滯者累年母遺言令葬洛陽壽遵其志又坐不以母
歸葬竟被貶議再致廢辱家族制度之弊如此然至
於後代當日鄉黨朝廷之爲貶議者銷滅無聞與草
木同腐而史稱可以繼明先典江漢英靈者仍屬沉
滯廢辱之陳壽固知人之自立在此不在彼矣

沉滯天教絕業成威權不屈想平生千秋江漢英靈
在貶議何能累盛名

秋水集終

岳池楊澤書并鐫

